

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
KANTONALNA UPRAVA CIVILNE ZAŠTITE**

**PRAVILNIK
O IZMJENAMA PRAVILNIKA O UNUTRAŠNJOJ ORGANIZACIJI
KANTONALNE UPRAVE CIVILNE ZAŠTITE
KANTONA SARAJEVO**

Sarajevo, septembar 2022. godine

Na osnovu člana 52. stav (1) tačka 2) Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“ i člana 41. stav (1) Uredbe o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija („Službene novine Kantona Sarajevo“, br.: 36/06, 8/12, 39/16 i 13/22), uz pribavljeno mišljenje Samostalnog sindikata kantonalnih državnih službenika i namještenika - Sindikalne organizacije Profesionalne vatrogasne brigade Kantona Sarajevo u skladu sa članom 5. Kolektivnog ugovora za državne službenike i namještenike u organima državne službe Kantona Sarajevo („Službene novine Kantona Sarajevo“, broj: 30/22) i saglasnost Vlade Kantona Sarajevo, direktor Kantonalne uprave civilne zaštite Kantona Sarajevo d o n o s i

P R A V I L N I K
O IZMJENAMA PRAVILNIKA O UNUTRAŠNJOJ ORGANIZACIJI
KANTONALNE UPRAVE CIVILNE ZAŠTITE

Član 1.

(Izmjena člana 62. Pravilnika)

U Pravilniku o unutrašnjoj organizaciji Kantonalne uprave civilne zaštite Kantona Sarajevo, broj: 03-30-546/22 od 19.04.2022. godine (u daljem tekstu: Pravilnik), u članu 62. Radno mjesto Kurir stav (8) mijenja se i glasi: „(8) Pozicija radnog mjesta: Referent“.

Član 2.

(Izmjena člana 81. Pravilnika)

U članu 81. Pravilnika radno mjesto direktor Uprave stav (3) mijenja se i glasi:

„(3) **Uslovi za vršenje poslova:** Stečena diploma visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS studijskih bodova ili drugog ili trećeg ciklusa Bolonjskog sistema studiranja, završen fakultet političkih nauka – smjer sigurnosne i mirovne studije ili završen tehnički fakultet – smjer zaštita od požara ili smjer sigurnost i pomoć ili fakultet za kriminalistiku, kriminologiju i sigurnosne studije ili fakultet pravne struke; najmanje pet godina radnog staža u struci, da nije ranije osuđivan za krivično djelo“.

Član 3.

(Stupanje na snagu Pravilnika)

Ovaj Pravilnik stupa na snagu danom dobijanja saglasnosti Vlade Kantona Sarajevo i objavit će se u „Službenim novinama Kantona Sarajevo“.

Broj: 03-30-1161/22
Sarajevo, 27.09.2022. godine

DIREKTOR

Dženan Brkanić

Na ovaj Pravilnik Vlada Kantona Sarajevo dala je saglasnost na 98. sjednici održanoj 20.10.2022. godine, svojim aktom broj: 02-04-43009-8/22 od 20.10.2022. godine, a u skladu sa članom 52. stav 1. tačka 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05).